




Illoqarfiup ilaa 2C2-1, Nunaminertaq tamat atugassaat, Issortarfik.

Kommunalbestyrelsip matumuuna Illoqarfiup ilaanut 2C2-1-imut pilersaarummut siunnersuut, Nunaminertaq tamat atugassaat, Issortarfik, saq-qummiuppaa.



Illoqarfiup ilaa 2C2-1, Nunaminertaq tamat atugassaat, Issortarfik

NASSUIAAT

Maluginiarneqarpoq nunaminertat tamat atugassattut siunertallit piumaneqaleraluttuinnartut, eqqarsaatigineqarlutik pisinarfeqarfittut, allaffeqarfittut, inuussutissarsiutit inunnik kiffartuussiviusut, akunnittarfiit assigisaallu.

Kommunimi pilersaarummi tamakkunannga siunertalinnut sanaartorfiusinnaasut killeqarput, taamaattumik pisariaqalersimavoq nunaminertat allat tamanut atugassiassatut illoqarfimmeereersuni

immikkoortinnissaannut periarfissat misissorneqartariaqalerlutik.

Siunnersuut manna 2C2-1, Nunaminertaq tamat atugassaat, Issortarfik, tassaavoq aqquernup Eqalugalinnguit kangiani aamma qooqqup Eqalugalinnguit kujataaniittup tamat atugassattut siunertalinnut siunnersuummi toqqarneqartoq. Nunaminertap siunissami atorneqarnissaanut najoqqutasat sukumernerusut siunnersuummi aalajangersarneqarput, soorlu angallannikkut kiffartuussinerit ilusilersuinerillu.

Kommunip pilersaarusiornera Nuuk 1993-2005-imi tamanna sanaartorfiusanngitsutut immikkoortinneqarpoq, illoqarfiup immikkoortuani Nuusuarmi najugalinnut sunngiffiimmi sammisanut atugassianngorlugu.

Kommunalbestyrelsili isumaqarpoq, tamanna sunngiffimmi sammisasaqarfiunissaminut tulluunnera killeqartoq, qaqqajunnarlu tassaniittoq malunnarnerulluni, tamatumalu kujataatungaa isikkivimmik isiginnaarfiunerulluni. Taamaattumik nuna taanna pilersaarummi sulii sunngiffimmi sammisasaqarfittut immikkoortinneqarpoq.

Tungaviusumik isumaavoq qaqqajunnar avannaatungaa illoqarfiup ilusilersorneranut atatillugu sunngiffimmi sammisasaqarfiusuni pilersaarutaa-reersuni pilerinarnerpaanut ilaangimmat. Tamatumava avannaatungaani kangimut-kimmum sammisumik sunngiffimmi sammisasaqarfioreerpoq, qooqqumi Eqalugalinnguani sisorartut pisinnaallu ingerlaarfissaanik pilersitsinermut atatillugu. Taamatullu avannamut-kujammum sammisumik Nuussuaq Nuummum attavilerneqarsimavoq, aqqu-serngup Eqalugalinnguit kitaatungaa atuarlugu aqqusineeqqamik pilersitsisoqarsimalluni.

Tamanna tunngavigalugu kommunalbestyrelsip kissaatigaa qaqqajunnar avannaatungaaniittoq narsaamaneq pilersaarutitut ilanngukkusullugu, taamaalilluni tamat atugassattut siunertanut sanaartorfigerusunneqarnera akuerineqarsinnaalluni.

Tamanna aqqusineqarnikkut attavilerneqassaaq Eqalugalinnugit aqputaaneerluni, 18.000 m² eta-geareal-imillu sanaartorfigineqarnissamut periarfissaqassalluni.

Kommunalbestyrelsip isumaa malillugu tamanna sanaartorfigineqassaaq narsaamanermi inissisimam-nera iluatsillugu, nunaminertap sanaartorfissaann-gitsup eqqaanik avatangerneqarluni qaffasinneru-larluni.

Taamaattumik sanaartorfissatut pilersaarut aala-jangerneqassaaq, nunaminertanut avatangiisinut atsinnerumaartunut tulluussarlugit, sanaartukkat akulikitsinniartariaqarlutik ataatsimoortillugillu.

Kommunalbestyrelsip illoqarfiup ilaanut pilersaa-rut 2C2-1, nunaminertaq tamanit atorneqarsinnaa-soq, Issortarfik ulloq 8. februar 1999 oqaluuseraa illoqarfiullu ilaanut pilersaarut allannguuteqartin-nagu akueralugu.

Pilersaarutinit allanut attuumanera.

Siunnersuut Lokalplan 2C2-1, Nunaminertaq ta-mat atugassaannut siunertalik, Issortarfik, sulia-ri-neqarpoq siunnersuummut Kommunimi pilersaa-rummut ilassut nr. 11-mut, Nunaminertaq tamat atugassaannut siunertalik, Issortarfik-mut atatillu-gu.

Kommunimi pilersaarummut ilassutip siunertaraa kommunimi pilersaaruteqqaat tunngavigalugit nunaminertap eqqartorneqartup sanaartorfius-sanngitsutut immikkoortinnera allanngortillugu tamat atugassaannut siunertalinnut atorneqalertus-sanngorluni.

Pisussaaffittut sunniuteqalivinnera.

Pisussaaffittut sunniuteqalivinnera atulissaaq pif-fissami illoqarfiup ilaani pilersaarutip akuerine-qarnera tamanut nalunnaarutigineqarnerani. Piler-saarutip akuerineqavinnerani pilersaarutip killin-gata iluani suliaassanik aallartitsisoqassanngilaq, illoqarfiup ilaani pilersaarutip aalajangersagaanut akornusersuisunik.

Piffissaq tamanit oqalliffiusoq.

Illoqarfiup ilaanut pilersaarut 2C2-1, nunamin-ertaq tamanit atorneqarsinnaasoq, Issortarfik tama-nut oqallisissanngorlugu saqqummiunneqarnikuu-voq piffissami 9. december 1998-imiit 20. januar 1999-ip tungaanut.

Piffissami tusarniaaviusumi oqaaseqaatit naam-magittaalliutillu pingasut pissarsiarineqarsimap-put.

ALAJANGERSAKKAT

Matumuuna kommunalbestyrelsip aalajangersak-
kat makku aalajangiuppai nunaminertanik atuineq
pilersaarusiørnerlu pillugit Inatsisartut Ilegqoreq-
qusaat nr. 6, 9. december 1986-imeersoq naaper-
torlugu, Inatsisartut Ilegqoreqqusaanni nr. 1, 18.
juni 1987-imeersumi allanngortinneqartut kiisalu
nunaminertanik atuineq pilersaarusiørnerlu pillu-
git Inatsisartut Nalunaarutaat nr. 23, 18. november
1992-imeersoq kingorna allanngortinneqarsimasut
ilanngullugit.

§ 1 Illoqarfiup ilaanut pilersaarutip siunertai

1.1 Pilersaarutip qulakkiissavai:

- nunaminertap tamanut atugassanngorlu-
gu siunissalimmik atorneqarnissaanut
najoqqutassanik aalajangersaaneq.
- sanaartukkat isikkumikkut ataatsimoor-
tutut, killeqartutut avatangiisiinut sa-
naartorfiunngitsunut tulluutsinnissaat.
- sanaartukkat qalipaatiimikkut sanaartor-
nermilu atortutigut ataqatigiillutik tul-
luutsinnissaat.
- aqqusinertigut attaveqarfia imaassaaq
Sermitiap nuuata immikkuullarissup
tunganut assigiimmik isikkivilerlugu,
- sanaartukkat isikkivimmut tassunga ilaa-
tinnegarnissat, kiisalu akunneri iluar-
sartuulluakkamik ilusilerneqarnissaat,
- sanaartukkat Eqalugalinnugit tungaan-
niittut ingasattajaagaannngitsumik ata-
qatigiissutullu isikkoqarnissaat, sanaar-
tukkat qaqqajunnami inissisimaneran-
nik malunnaatilimmik, kiisalu
- sisorartut aqqutigisartagaat taassuma
avannaaniittut sanaartorfigineqanngin-
nissaat.

§ 2 Pilersaarutip sumiinnera agguarne- ralu.

- 2.1 Pilersaarut Assitigut takutitassiami nr. 1-
imi takutinneqartutut killeqassaaq.
- 2.2 Nunaminertaq katillugu 11 ha-mik angis-
suseqarpoq.

- 2.3 Nunaminertaq immikkoortunut agguarne-
qassaaq, imm. 1 sanaartorfissaalluni, imm.
2 sanaartorfissaanani, soorlu Assitigut ta-
kutitassiaq 1-imi takutinneqartog.

§ 3 Nunaminertap atorneqarnera.

- 3.1 Immikkoortoq 1 ataatsimut atugassianut
innersuunneqassaaq.

- 3.2 Immikkoortoq 1-imi killilimmik inissianik
sanaartortoqarsinnaavoq, suliffeqarfinnut
ataasiakkaanut atatillugu sanaartukkanik
nakkutilliisunut assigisaannullu inissiassa-
tut.

Illut mikinerumaartut tamaani inissinne-
qarsinnaapput teknikkikkut pilersuiner-
mut attuumassuteqartut.

- 3.3 Immikkoortoq 2 sunngiffimmi sammisa-
saqarfittut atorneqassaaq.

Immikkoortoq 2 sanaartorfigineqassanngi-
laq. Tamaani aqqusineeqqanik allanillu
pilersitsisoqarsinnaavoq, nunaminertap
sanaartorfiunngitsutut isikkivimmillu isi-
ginnaartarfiuneranik ilisarnaataasunik.

- 3.4 Suliffeqarfinnik pujorallammik, putsumik,
tipimik, nipiliørnermik, sajuppillattarnner-
nillu allatulluunniit avatangiisiinut akornu-
sersuineramik pilersitsisunik inissiisoqas-
sanngilaq.

§ 4 Aqqusernit aqqusineeqqallu.

- 4.1 Nunaminertanik immikkoortitsisoqassaaq
aqqusinernut, biilit uninngaartarfiinut, aq-
qusineeqqanut nunaannarmilu majuartar-
finnut atortussianik, soorlu Assimi takuti-
tassiaq 2-mi takutinneqartut.

- 4.2 Aqqusernit uterfissalinnik isulerneqassap-
put.

§ 5 Sanaartukkat annertussusaat inissif- fiilu.

- 5.1 Illut tunngaviusumik Takutitassiaq nr. 2
aamma 3-mi sanaartorfissatut takutinne-
qartumisut sanaartorneqassapput, quleriil-
lu taaneqartunit amerlanerussanngillat.

- 5.2 Sanaartukkat ima inissinneqassapput Ser-
mitsiap tungaanut isikkivia iluatsinneqar-
luni.

5.3 Toqqaviit pisariaqanngitsumik portunaarneqassanngillat, tassa toqqaviit nunavimmit pukkinerpaaffiisa 0,5 meterit qaangissanngilaat.

5.4 Sanaartorfissatut killeqarfigititat avataanni illunik mikinerumaanik inissiisoqarsinnaavoq Kommunalbestyrelsip akuerse-reerneratigut.

§ 6 Sanaartukkat silatimikkut isikkui.

6.1 Sanaartukkat qisunnik qalipanneqarsinnaasunik qallerlugit silatilerneqassapput imaluunniit plade-t qalliutissat qisuillu qalliutissat akuleriisillugit.

6.2 Qaliat inngigissutut sananeqassapput qernertumillu qalissialerlugit.

6.3 Qalipaasiisoqassaaq qalipaait pillugit Kommunalbestyrelsip akueralugu ataasimut nunaminertamut pilersaarutaa malillugu.

6.4 Sanaartukkat ilutsimikkut, qalipaaitimikkut sanaartormimikkullu atortutigit immikkut ittut akuerineqarsinnaapput isikkumikkut, avatangiisitigit imaluunniit teknikkikkut immikkut pitsaassusilliiniarnermik tunngavilinnik.

Taamaattoqassatillugu anguniakkani sunniutaasinnaasut tunngavilersorluakkat saqqummiunneqassapput. Taamaaliorni- arnerit ataasiakkaat Kommunalbestyrelsi- mit akuerineqartassapput.

6.5 Allagartalersuinerit Kommunalbestyrel- simit akuerineqqaqqaartassapput.

§ 7 Nunaminertat sanaartorfiunngitsut.

7.1 Toqqorsilluni silami uninngatitsisoqas- sanngilaq.

7.2 Sanaartornerni qaarsunillu qaartiterinerni nunaminertat sanaartorfigineqanngitsut sapinngisamik inarlernaveersaarneqassap- put. Nunaannaat innarlerneqartut iluarsaa- teqqinneqartassapput.

7.3 Nunaminertami qaartiternikut piiarneqas- sapput, qaartiterinermi imaluunniit angal- lassinermi siaruarterneqarsimasinnaasut.

§ 8 Teknikkikkut atortut.

8.1 Tatsit, ilaapput qalianit kuullutik tasinn- guuttut, pisortat kuuffiitigoortinneqas- sanngillat, imalli kuutsinneqassallutik sa- naartukkanut, aqqusinernut nunaminerta- nullu sanaartorfiunngitsunut avatangiisi- niittunut akornusersuitinnagit.

8.2 Pisarialinnik assiaqutsiisoqassaaq, nunaminertap kangimut killingani an- galaartilluni nakkartoqarnaveertillugu.

8.3 Erngit atunngisat igitassat pisortat kuuffii- sigut iginneqartassapput.

8.4 Nutaamik illuliat innaallagissamoortunik kiassaasersorneqassapput.


§ 9 Sanaartorfigissaanerni akileeqataa- neq.

9.1 Sanaartorfissamik tunineqarnermi najoq- qutassat atuuttut naapertorlugit sanaartofi- gissaanermi akileeqataasoqartassaaq. Sa- naartorfigissaanernut ilaatinneqarput kommunip nunaminertap imermik pilers- orneqarneranut, kuuffilersorneranut, aq- qusinniornernut, biilit uninngaartarfiinut, nunaminertanut atortulersukkanut allanut, kiisalu Industrivej-ip tungaanut pisarialin- nik assiaqutsersuineranut aningaasartuu- tai.

§ 10 Akuerineqarnera.

10.1 Taamaalilluni akuerineqarpoq Nuup Kommuneata Kommunalbestyrelsianit ul-


Nuup Kommuneata 30/9 - 1999


Agnethe Davidsen
borgmester


Nauja Petersen
kommunaldirektør

Tamanut nalunaarutigineqarpoq ulloq 06.10.99

TAKUTITASSIAQ 1, PILERSAARUSIORFIUSOQ
 Illoqarfiup ilaa 2C2-1, Nunaminertaq tamat atugassaar, Issortarfik




Uuttuutaa 1:4000

Illoqarfiup ilaa 2C2-1, Nunaminertaq tamat atugassaat, Issortarfik



TAKUTITASSIAQ 3, TITARTAGARTAASA ILANNGUSSARTAAT

Illoqarfiup ilaa 2C2-1, Nunaminertaq tamat atugassaat, Issortarfik




Uuttuutaa 1:4000

ILLOQARFIUP ILAANUT PILERSAARUT

2C2-2



**Siunertanut ataatsimoorussanut immikkoortoq,
Issortarfik**



NUUP KOMMUNEA

TEKNIKKIMUT AVATANGIISINULLU INGERLATSIVIK

MARSI 2008

Imai

Imai.....	2
Ilitersuut	3
Nassuiaat	4
Illoqarfiup ilaanut pilersaarutip tunuliaqutaa	4
Illoqarfiup ilaanut pilersaarusiorkfik	5
Illoqarfiup ilaanut pilersaarutip siunertaa imaalu	5
Pilersaarusiorknermut allamut tunngasut.....	9
Inatsisinik atuuttussanngortitsineq.....	10
Oqallisigineqarnera akuersissutigineqarneralu	11
Aalajangersakkat	13
§ 1 Illoqarfiup ilaanut pilersaarutip siunertaa.	13
§ 2 Illoqarfiup ilaanut pilersaarusiork-fiusoq agguataarneralu.	13
§ 3 Immikkoortup atorineqarnera.....	13
§ 4 Aqqusinernut aqqusineeqqanullu tunngasut.	14
§ 5 Sanaartukkat annertussusissaat inissisimaffissaallu.	14
§ 6 Sanaartukkap silatimigut isikkua.	15
§ 7 Nunaminertat sanaartorfiunngitsut.....	15
§ 8 Teknikkimut atorulersuutit.	15
§ 9 Sanaartorfissagisaannermi nammineq akiliutissaq	16
§ 10 Illoqarfiup ilaanut pilersaarumik atorunnaarsitsineq	16
Akuersissuteqarnermi atsiorneq	17
Siunnersuutitut akuersissuteqarneq.....	17

Ilanngussaq 1: Illoqarfiup ilaanut pilersaarusiorkfik

Ilanngussaq 2: Immikkoortup agguataarnera, sanaartorfissiat

Ilanngussaq 3: Pilersaarutip titartagartaa

Ilitsersuut

Illoqarfiup ilaanut pilersaarummi nunaminertat, illut nutaat, pisuinnaat aqqutaat, aqqusernit il.il. qanoq atorneqassanersut, inissinneqassanersut aammalu immikkoortup aalajangersimasup iluani qanoq ilusilersorneqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalajangersagartaqarluni.

Nassuiaatini illoqarfiup ilaanut pilersaaruttip siunertaa anguniagaalu naatsumik oqaluttuarineqarput, illoqarfiup ilaanut pilersaarusiortiusumi eqqaanilu pioreersut aammalu illoqarfiup ilaanut pilersaarut pilersaarutitut allanut qanoq attuumassuteqarnerseq.

Illoqarfiup ilaanut pilersaarusiortiusumi aalajangersakkat atugassaatitaapput.

Nunaminertanik atuisarneq pillugu Inatsisartut peqqussutaat nr. 6, 19. december 1986-imeersoq, Inatsisartut peqqussutaanni nr. 17, 30. oktobari 1992-imeersuklut al-lanngortinneqartoq, nunaminertanik atuisarneq pilersaarusiortarnerlu pillugit aamma Nalunaarut nr. 23, 18. november 1992-imeersoq malillugit kommunalbestyrelse illoqarfiup ilaanut pilersaarusiortussaataavoq:

- Kommunip pilersaarusiortarnerata piviusunngortinneqarnissaa qulakkeerniassallugu pisariaqartinneqarpat.
- Angisuumik illuliassaq, atortulersuutit imaluunniit nunaminertanik akuersis-suteqarnerit aallartinneqartinnagit.

Illoqarfiup ilaanut pilersaarusiortussaataitanerup siunertaraa pilersaarusiortnermi anner-tunerumik ataqatigiissarisooqarnissaa innuttaasullu peqataatinneqarnissaat.

Taamaattumik illoqarfiup ilaanut pilersaarut sivikinnerpaamik sapaatit akunnerini arfi-nilinni tamanut saqqummiunneqassaaq. Tamanna pereerpat Kommunalbestyrelsip naammagittaalliuutit imaluunniit oqaaseqaatit allannguutissatullu siunnersuutit naliliif-figissavai, pilersaarut inaarutaasumik akuersissutigineqartinnagu.

Illoqarfiup ilaanut pilersaaruttip inatsisitigut atuuffii illoqarfiup ilaanut pilersaarummi erseqqissumik allaaserineqarput.



Asseq 1. Illoqarfiup ilaanut pilersaarusiorkfik.

Nassuiaat

Illoqarfiup ilaanut pilersaarutit tunu-liaqutaa

Illoqarfiup ilaanut pilersaarutit 2C2-2-p, Siunertanut ataatsimoorussanut immikkoortoq, Issortarfik, (asseq 1) siunertarivaa illoqarfiup ilaanut pilersaarutit siulliup 2C2-1-ip nuntarterneqarnissaanik pisariaqartitsineq.

Illoqarfiup ilaanut pilersaarut siullesq 2C2-1 immikkoortumut 1999-imi oktobarimi pilersaarusiorknermi tunngaviusimavoq. Ukiuni kingullerni sanaartorfissiat marloriarlugit iluarsiiffigineqarsimapput. Iluarsiissuteqarnerit ilaatigut pissuteqarput sanaartorfissiat pisariaqartitsinermit nallersuuttuusimannginneri aammalu Issortarfiup kujataata tungaanut nutaamik aqqusinniornissap qulakkeerneqarnissaa.

Kommunalbestyrelsimit nalilerneqarpoq pisariaqalersoq iluarsiissutigineqartut ataatsimut katersorneqarnissaat erseqqissumik pilersaarummik tunngavissaqassagaanni. Tassunga atatillugu sanaartorfissiat nutaamik iluarsineqarput immikkoortumilu biilinit uningasarfiit amerlassusissaat.

Peqatigitillugu paasinarsisimavoq pilersaarutissatut tunngavissaasup atuuttup iluarsiinisamat aammalu illuliortaatsip qanoq ittup atorneqarnissaanut tunngavigissallugu ajornakusoortuusoq.

Immikkoortup inuussutissarsiutinut siunertaqartunut pingaarnertut atorneqarnissaa qulakkeerumallugu pisariaqarpoq inissiat suliffeqarfinnut atasut killilerneqarnissaat, tassa nunaminertat inuussutissarsiorknermut atorneqartut aammalu inissianut suliffimmut atasunut atorneqartut agguataarnerinik aalajangersaanikkut.



Nuussuup aqqutaanit Nuussuup Mannguaniit Issortarfik isigalugu.

Illoqarfiup ilaanut pilersaarusiorkfik

Killilernera

Illoqarfiup ilaanut pilersaarusiorkfik 5,7 ha-iuvoq. Illoqarfiup ilaanut pilersaarusiorkfiup killegarfigivai qaqqap avannamut quassugar-taa, Eqalugalinnuguit kimmut aamma Sarfaan-nuguit kujammut aqqutaata akornat, kangimut Industrivej avannamullu Nuussuup Manngua.

Sanaartukkat atortullu pio-reersut

Ullumikkut immikkoortumi illut atortullu pio-reersut tassaapput. Takuuk asseq 2 ilanngus-sarlu 1:

B-3679, Nuna Minerals

B-3433, Nukissiorfiit

B-3404, Sarfamik sakkortusaavik


B-3709, A-revision

B-3476, InuPlan

Illoqarfiup ilaanut pilersaarutip siuner-taa imaalu

Siunertaa

Illoqarfiup ilaanut pilersaarutip siunertarivaa illoqarfiup ilaanut pilersaarutip siulliup aala-jaangersagartaanik sukaterinissaq anguniarne-qartunillu erseqqissanissaq.



Asseq 2. Pissutsit pio-reersut.



Sumiiffimmi sanaartukkat kujataanit isigalugit.

Immikkoortup ersarissumi qaffasissumilu inis-sisimanera atorluarumallugu sanaartukkanut pilersaarummi siullermi sanaartukkat eqima-suunissaat anguniarneqarpoq. Immikkoortu-mullu aqqut ima inissinneqarsimavoq ersaris-sumiitinneqarluni, tassa Sermitsiap tungaanut aamma immikkoortumi sumiiffinnut.

Illoqarfiup ilaanut pilersaarutip siunertarivaa inuussutissarsiornermut etagekvadratmeterinik aamma inissianut suliffimmut atasunut eta-gekvadratmeterinik agguataarinermik aalaja-ngersaanissaq.

Illoqarfiup ilaanut pilersaarummi sanaartukkap annertussusissaanik erseqqissaassuteqarpoq aamma sanaartukkat pioreersut allilerneqas-sappata aalajangersakkat ilaapput (ilanngussaq 3).

Ilulioraatsip ataatsimoortumik ataqatigiissuu-nissaa angujumallugu illoqarfiup ilaanut pilersaarummi qalipaait atortullu atorineqartussat aalajangersaaffigineqarput, immikkoortumi sanaartugaareersunut nutaat nallersuuttuunis-saat qulakkeermallugu.

Nunaminertat inuussutissarsiuqarfiusut ami-gaatigineqartullu naammassiumallugit immik-koortumi sanaartorfissiat nutaat pingasut ilan-ngunneqarput. Sanaartorfissiat Issortarfiup tungaanut aqqutip kitaani sanaartorfissiaareersut aamma sanaartorfissiaq 1-imi sanaartugaa-reersut 1-ip aamma 2-p akornannut inissinne-qarput (ilanngussaq 2).

Illoqarfiup ilaanut pilersaarut aqqutigalugu qu-lakkeerneqassapput biilinit uninngasarfiit ataatsimoorussat taamatullu kommunimut pilersaarummi immikkoortumut killiliussap 2C2-p kujataata tungaatigut aqqusinniornissaq (ilanngussaq 2).

Atorneqarnera

Immikkoortoq inuussutissarsiuqarfiut siunerta-linnut atugassanngortinneqarpoq aamma sanaartorfissianut 1-10-nut agguataarneqarpoq (ilanngussat 2-3). Katillugit etagearealit 20.600 m²-it missaannik annertussuseqartumik sanaartortoqarsinnaavoq.

Sanaartorfissiat 1-4 angisuumik annertussusi-lerlugit naleqqussarlugillu sanaartorfissias-sanngortinneqarput, inuussutissarsiuqarfiit anner-

tuut pisariaqartinneqartussat inissaqartikku-mallugit.

Sanaartorfissiat 5-9 sanaartorfissiatut anner-tuutut atugassanngortinneqarput, taakkulu an-nikinnerusunngorlugit marlunnut avinneqar-sinnaaneri periarfissaqarput. Sanaartorfissiat agguataarneqarsinnaasunngortinneqarnerisigut qulakkeerneqassaaq pilersaarutip eqaanneru-sumik atorneqarsinnaanissaa, tassa nunaminer-tanik inuussutissarsiorfiusunik pisariaqartitsi-neq eqqarsaatigalugu.

Sanaartorfissiaq 10 immikkoortumi sanaartuk-kat pioreersut marluk akornanniittup nunami-nertap atorluarneqarnissaa eqqarsaatigalugu annikinnerusutut sanaartorfissiassatut atugas-sanngortinneqarpoq.

Inuussutissarsiuteqarfissamik sanaartornermut atatillugu suliffimmut atasumik sanaartorfis-siamut ataatsimut ataatsimik inissialiortoqar-sinnaavoq. Inissiat taamatut ittut sanaartorfis-siami ataatsimi 110 m²-it angullugit annertus-suseqartinneqarsinnaapput.

Illuliortaatsikkut ilusilersuineq

Immikkoortup illuliortaatsikkut ataqatigiissuu-tinnissaa qulakkeerumallugu immikkoortumi sannartukkat imatut aalajangersaaffigineqar-put:

Igalaaliunneqartut tarrarsuutitut pissuseqas-sanngillat imaluunniit silataanit isigalugit taar-tuutinneqassanatik.

Silataanut qalipaateqartut qaserpaluttuutinneqassaaq, (koksgrå-miit aluminiumsgrå-mut) sanaartuk-kamilu immikkuualuttut soorlu igalasserfiit matullu assigiinngitsunik qalipaateqartinneqar-sinnaallutik.

Silataanut qalliutigineqartut aserfallatsaaliu-gassaassanngillat. Silataanut pladit sallilikka-nut assigisaannulluunniit assingusunngorlugit suliat atorneqaqqusaanngillat.

Qaliaq annerpaamik 15⁰-nik sivingassuseqar-tinneqassaaq.

Angallannermut tunngasut

Immikkoortumut aqqut Eqalugalinnguaniit Is-sortarfimmut aqqut aqqusaarlugu pissaaq.



Nukissiorfiit illutaa.

Immikkoortumi aqquserngit aqqusernup unga-sissusissalerneqarnerinut ilaapput, immikkoortumi sanaartukkat aqquserngullu imminnut ungasissusissaannik qulakkeerinnittumik.

Sumiiffimmi aqqut aqquserngup qeqqaniit uutorlugu sanaartukkamut 10 m.-inik ungasissuseqartinneqassaaq.

Nuussuup Mannguanut aqqusineeraareersoq, sanaartorfissiap 1-ip avannaani majuartarfiup tungaanoortoq, pigiinnarneqassaaq.

Nutaamik sanaartornermut atatillugu biilnut uninngasarfissanut tunngasut piumasagaataasassapput. Kommunimut pilersaarut naapertorlugu immikkoortumi allaffeqarfiup eqqaani biilnut uninngasarfeqassaaq inuussutissarsiornermut nunaminertaliunneqartumi 50 m^2 uninngasarfimmuut ataatsimut nunaminertaliunneqassaaq.

Immikkoortumut siusinnerusukkat pilersaarsiornermi naammattunik biilnut uninngasarfissanik ilanngussisoqarsimanngimmat piffissami matumani naammattunik pisariaqartitanillu atugassiisoqarsinnaanngilaq. Taamaattumik immikkoortumi siunissami inuussutissarsiornermut nunaminertaliunneqartumi 75 m^2 uninngasarfimmuut ataatsimut nunaminertaliunneqassaaq.

Nunaminetat sanaartorfiunngitsut

Qaartiterinermut sanaartorfissagissaanermullu atatillugu issoq naasullu kusanaqutit sapinngisamik allangutsaalineqassapput imaluunniit toqqorlugit inissinneqarallassapput sanaartornerup naammassineqarnerani utertitassanngorlugit. Taamaaliornikkut pissusiatut isikkoqartinneqarsinnaaleqqissaaq sanaartorfikutullu isikkoqarani naggorissipallassinnaalluni.

Immikkoortumi sukisaarsarfiusut, tamaani ajornanngiffiitigut sanaartukkanut ilaatinneqartassapput. Taamaattumik sanaartorfissagissaanerup aamma sanaartornerup nalaani nuna mianeralugu pineqassaaq.

Nuna innarlerneqarsimasoq iluarsaanneqassaaq, qaartiternerlukuiarneqarlunilu qaartiterinermi assartuinermiluuniit siammarterneqarsimasunik.

Pilersaarusionsormut allamut tunngasut*Kommunimut pilersaarut*

Illoqarfiup ilaanut pilersaarut 2C2-2, Siunertanut ataatsimoorussanut immikkoortoq, Issortarfik, Kommunimut pilersaarut 2005 – 2014 naapertorlugu suliarineqarpoq, taanna kommunimut pilersaarummut tapiliussami nr. 4-mi, Illoqarfiup sukisaarsarfiinut pilersaarummi immikkoortumut 2C2-mi killiliussanut aalajangersakkat malitsigivaat. Illoqarfiup ilaanut pilersaarummiippoq immikkoortumut killiliussap 2C2-p avannaatungaa. Kommunimut pilersaarummi immikkoortumut killiliussaq 2C2 siunertanut ataatsimoorussanut atugassanngortinneqarpoq.

Illoqarfiup ilaanut pilersaarummik atuut-tumik atorunnaarsitsineq

Illoqarfiup ilaanut pilersaarusionsiorfiusoq tassavoq illoqarfiup ilaanut pilersaarut 2C2-1-imi, Siunertanut ataatsimoorussanut immikkoortoq, Issortarfik, atuuttumi ilaatinneqartut. Illoqarfiup ilaanut pilersaarut 2C2-1-imi aalajangersakkat matumani illoqarfiup ilaanut pilersaarummut ilanngunneqarput.

Illoqarfiup ilaanut pilersaarutip 2C2-2-p killilernera illoqarfiup ilaanut pilersaarummi 2C2-1-imi killiliunneqartumut allaaneruvoq, illoqarfiup ilaanut pilersaarut 2C2-2-mi illoqarfiup ilaanut pilersaarummi 2C2-1-ip immikkoortuata ilaa 1 kisimi ilaatinneqarmat.

Illoqarfiup ilaanut pilersaarutip 2C2-2-p inaarutaasumik akuersissutigineqarneratigut illoqarfiup ilaanut pilersaarummi 2C2-1-imi illoqarfiup ilaanut pilersaarummi 2C2-2-mi immikkoortunut pineqartunut ilaasut atorunnaarsinneqassapput. Illoqarfiup ilaanut pilersaarutip 2C2-1-ip, Siunertanut ataatsimoorussanut immikkoortoq, Issortarfik, kujataata tungaani killiliussami atuuttussatut pigiinnarneqassaaq.

Teknikkimik pilersuineq

Kuuffissuarnut, imermut innaallagissamullu aqquutit nutaat tamarmik assaanneqassapput.

Allatut piumasaqartoqartinnagu pilersuinermut aqquutinut nunaminertat qallerlugit sanaartortoqarsinnaanngilaq imaluunniit ungalulersuisoqarsinnaanngilaq. Pilersuinermut aqquutinik al-

lannguisoqassappat tamanna pilersuinnermut aqputinik piginnittumut akeqassanngilaq aamma pilersuinnermut aqqummik piginnittup malittarisassai malinneqassapput.

Kiassarneq:

Immikkoortoq innaallagissamoortumik kiasarneqassaaq. Nukissiutit avatangiisimut ajoqutaanngitsut soorlu seqernup kissarnera, nunap kissarnera allallu atorneqarsinnaapput.

Imeq:

Immikkoortoq pisortat imeqarfianit pilersorneqassaaq.

Imikoorut:

Imikoorutigineqartoq tamarmi pisortat kuuffisuinut kuutsinneqartassaaq. Nunap qaavaniittoq imeq, imaarsaanermit imeq qaliap qaavaneersorlu kuuffissuakkoortinneqassanngilaq, imatulli kuutsinneqassalluni eqqaani sanaartukkat, aqquserngit, aqqusineeqqat, nunaminertat sanaartorfiunngitsut assigisaallu illoqarfiup ilaanut pilersaarusiortiusup iluani avataaniluunniit ittut aqqusaarnagit – soorlu kussinernut.

Eqqaavilerineq:

Illoqarfiup ilaanut pilersaarusiortifik Nuup Kommuneata eqqagalerineq pillugu aqqisuussineranut ilaatinneqarpoq malittarisassat sukkulluunniit atuuttut malillugit. Sanaartukani tamani igitanut puussiarsuit atorneqassapput imaluunniit igitanut containerinut inisaliisoqarsimassalluni.

Inatsisinik atuuttussanngortitsineq

Illoqarfiup ilaanut pilersaarut kommunalbestyrelsimit inaarutaasumik akuersissutigineqarpat, tamanullu saqqummiunneqarpat, nunaminertat, illut sanaartukkallu, illoqarfiup ilaanut pilersaarummut siunnersuummiittut, taamaallaat atorneqarlutillu sanaartorneqassapput, illoqarfiup ilaanut pilersaarummi aalajangersakkanik unioqqutitsinngitsumik.

Pissutsini immikkorpiaq ittuni pingaaruteqarpallaanngitsunilu, immikkut ittumik akuerineqarsinnaavoq annikitsumik allannguinnissaq. Annertuumik allannguutissat aatsaat pisin-

naapput nutaamik illoqarfiup ilaanut pilersaarusiornikkut.

Illoqarfiup ilaanut pilersaarummi nunaminertat, illut atortullu ilanngunneqartut pilersinneqarnissaat kingunerissariaqanngilai.

Ullumikkut nunaminertat, illut atortullu malit-tarisaassat malillugit pilersinneqartut piuinnarsinnaapput.

Tamanna ilaatigut ima isumaqarpoq, nunaminertanik, illunik atortunillu inatsisit malillugit atuineq ingerlaannarsinnaasoq, akerlianilli al-latut atuineq imaluunniit sanaartukkanik nu-taanik sanaartorneq illoqarfiup ilaanut pilersaarummi aalajangersakkat malillugit pissasoq.

Oqallisigineqarnera akuersissutigineqarneralu

Illoqarfiup ilaanut pilersaarutissatut siunner-suut 2C2-2, Siunertanut ataatsimoorussanut immikkoortoq, Issortarfik, tamanut oqallisissanngorlugu saqqummiunneqarpoq piffissami ulloq 12/9-2007-imiit ulloq 24/10-2007-imut.

Piffissami tusarniaaviusumi akerliliissutit oqaaseqaatillu arfinillit tiguneqarput.

Illoqarfiup ilaanut pilersaarut kommunalbestyrelsimit ulloq 19. novembari 2007-imi suliarineqarpoq illoqarfiullu ilaanut pilersaarut saqqummiunneqartumut sanilliullugu imatut allannguuteqartillugu akuersissutigineqarpoq:

- Nunaminertamik atuisinnaanermut aalajangersakkat nutaat, tassani tusagassiornermut attuumassuteqartunik pilersitsinnaaneq, avatangiisimut peqqussut kapitali V malillugu akuersissuteqartoqarsinnaanngorlugu, periarfissaalersinneqarluni.
- Aaqqissuinikkut allannguutit arlallit.

Illoqarfiup ilaanut pilersaarut www.nuuk.gl-imi, Nunatta Atuagaateqarfiani, kommunip saaffiginnittarfiani imaluunniit Teknikkimut Avatangiisinullu ingerlatsivimmut tlf.: 34 74 30-mut saaffiginninnikkut pissarsiarineqarsinnaavoq.

Aalajangersakkat

Kommunalbestyrelsip matumuuna Inatsisartut peqqussutaat nr. 6, 19. december 1986-imeersoq, allannguuteqartinneqartorlu Inatsartut peqqussutaanni nr. 1-imi, 18. juni 1987-imi aamma nunaminertanik atuineq pilersaarusiortfigineqartarnerilu pillugit Nalunaarut nr. 23, 18. november 1992-imeersoq aallannguteqartinneqartorlu Nalunaarut nr. 43-mi, 15. november 1994-imi, malillugit illoqarfiup ilaanut pilersaarut aalajangersaaffigivaa.

§ 1 Illoqarfiup ilaanut pilersaaruttip siunertaa.

1.1 Illoqarfiup ilaanut pilersaaruttip siunertarivaa:

- sanaartukkanut pilersaaruttip atuut-tup ataqqinissaa ingerlateqqinnissaalu, tassa eqimasut kiisalu aaqquissuulluakkanik initussuseqartitsinissaq Sermit-siap tungaanut erseqqissumik sammi-sunik,

- aalajangersassallugit etagekvadrat-meterit inuussutissarsiornermut aamma inissiat suliffimmut atasut etagekvadratmeteriisa atorneqartussat agguataarneqarnissaat,

- erseqqissaavigissallugit sanaartukkat annertussusissaat taamatullu aalajangersaavigissallugit illut pioreersut allierneqarsinnaaneritut malittarisassat,

- illuliortaatsip ataatsimoortumik ataqatigiissuunissaa angujumallugu illuliortaatsip qanoq ittup atorneqarnissaa aalajangersaanissaa,

- nunaminertat inuussutissarsiuteqarfiusut amigaatigineqarneri ikiorserumallugu immikkoortumi sanaartorfissat allat pingasut ilanngullugit atugasannngortinneqarnissaat,

- biilinit uninngasarfinnik qulakkeerinissaa,

- kommunimut pilersaarummi immikkoortumut killiliussami 2C2-mut kuja-

taata tungaatigut aqquteqarnissaa qulakkeerinissaa.

§ 2 Illoqarfiup ilaanut pilersaaruttip fiusoq agguataarneralu.

2.1 Illoqarfiup ilaanut pilersaaruttip killinga Nunap assingani 1-imi takutinneqarpoq.

2.2 Immikkoortoq ataatsimut 5,7 ha-inik annertussuseqarpoq.

§ 3 Immikkoortup atorneqarnera.

3.1 Immikkoortoq siunertanut ataatsimoorussanut atugassannngortinneqarpoq, allaffissornermik, medie-lerinermik kiisalu ilisimatusarnermik suliat ilanngullugit.

3.2 Sanaartorfissiaq 10 allaffissornermut aammalu aatsitassalerinermi nukissiu-teqarnermilu misissuineri laboratorianut atugassannngortinneqarpoq, imaluunniit biilinit uninngasarfittut.

3.3 Immikkoortumi sannartorfissiami ataatsimi inissiaq suliffimmut ataaseq sananeqarsinnaavoq. Inissiaq taamatut ittoq 110 m²-it angullugit angissuseqartinneqassaaq.

3.4 Immikkoortumi suliffeqarfiit kapitali V-imi, avatangiisip illersorneqarnissaa pillugu Inatsisartut peqqussutaat nr. 12. 22. decembari 1988-imeersumi kingornalu allannguuteqartinneqartumi, ilaatinneqartut pilersinneqarsinnaanngillat, tusagassiornermulli tunngasut taakkunungalu tunngasut uku pineqaratik:

Naqiteriviit, offsettimik naqiteriviit atuakkanillu naqiteriviit.

Suliffeqarfiit qulaani taaneqartut pillugit Naalakkersuisunut avatangiisimut piumaaqaatinut tunngasut qinnuteqaatigineqassapput. Tamatuma kingorna Naalakkersuisunit suliffeqarfiup avatangiisimut akuerineqartariaqarnera naliliiiffigineqassaaq, tassa avatangiisimut pillugu peqqussummi kapitali V eqqarsaatigalugu.

§ 4 Akqusinernut akqusineeqqanullu tunngasut.

- 4.1 Akqusinermut, biilinit uninngasarfimmut, akqusineeqqanut majuartarfinnullu nunaminertassaliisoqassaaq Nunap assingani 2-mi aamma 3-mi takutinneqartutut.
- 4.2 Allaffiliornermi inuussutissarsiornermut nunaminertaliunneqartumi 75 m² biilinit uninngasarfimmuut ataatsimut nunaminertaliunneqassaaq.
- 4.3 Akquserngit kaajallaffissamut naaneqartinneqassapput.

§ 5 Sanaartukkat annertussusissaat inissisimaffissaallu.

- 5.1 Sanaartugaq Nunap assingani 2-mi sanaartorfissiatut takutinneqartuni sananeqassapput allilerneqarlutillu.
- 5.2 Sanaartorfissiaq 1: Sanaartorfissiap iluani sanaartugaq annerpaamik nunamiit qaliap sinaanut uuttorlugu kipkote 43-tinneqassaaq (etage-t marluk angullugit), toqqavia annerpaamik 1294 m²-iussaaq etagekvadratmeterilu uuttoraanni 2588 m²-iussalluni. Sanaartorfissiaq 1 tamakkerlugu sanaartorfioreerpoq.
- 5.3 Sanaartorfissiaq 2: Sanaartugaareersut sanaartorfissiat taaneqartut iluini allilerneqarsinnaapput annerpaamik nunamiit illua qaliata sinaanut uuttorlugu kipkote 44-mut (etage-t marluk angullugit), toqqavia annerpaamik 1022 m²-iussaaq etagekvadratmeterilu uuttoraanni annerpaamik 2044 m²-iussalluni.
- 5.4 Sanaartorfissiaq 3: Sanaartorfissiatut taaneqartup iluani nutaamik sanaartortoqarsinnaavoq annerpaamik nunamiit illup qaliata sinaanut uuttorlugu kipkote 44-mut (etage-t pingasut angullugit), toqqavia annerpaamik 1260 m²-iussaaq etagekvadratmeterilu uuttoraanni annerpaamik 3780 m²-iussalluni.

5.5 Sanaartorfissiaq 4: Sanaartorfissiatut taaneqartup iluani nutaamik sanaartortoqarsinnaavoq annerpaamik nunamiit illup qaliata sinaanut uuttorlugu kipkote 47-mut (etage-t pingasut angullugit), toqqavia annerpaamik 1400 m²-iussaaq etagekvadratmeterilu uuttoraanni annerpaamik 4200 m²-iussalluni.

5.6 Sanaartorfissiaq 5a: Sanaartugaareersut sanaartorfissiap taaneqartup iluani allilerneqarsinnaapput annerpaamik nunamiit illup qaliata sinaanut kipkote 48-mut (etage-t pingasut angullugit), toqqavia annerpaamik 420 m²-iussaaq etagekvadratmeterilu uuttoraanni annerpaamik 1260 m²-iussalluni.

5.7 Sanaartorfissiaq 5b: Sanaartugaareersut sanaartorfissiap taaneqartup iluani allilerneqarsinnaapput annerpaamik nunamiit illup qaliata sinaanut kipkote 48-mut (etage-t pingasut angullugit), toqqavia annerpaamik 420 m²-iussaaq etagekvadratmeterilu uuttoraanni 1260 m²-iussalluni.

5.8 Sanaartorfissiaq 6: Sanaartorfissiatut taaneqartup iluani nutaamik sanaartortoqarsinnaavoq annerpaamik nunamiit illup qalianut kipkote 47-mut (etage-t marluk angullugit), toqqavia annerpaamik 630 m²-iussaaq etagekvadratmeterilu uuttoraanni 1260 m²-iussalluni. Sanaartorfissiami 6-imi sanaartorfissiap 6a-mut aamma 6b-mut avinneqarneratigut taakkunani immik-kut sanaartukkat sanaartorfissiami 6-imi sanaartorneqarsinnaasut 50 %-erissavaat.

5.9 Sanaartorfissiaq 7: Sanaartorfissiatut taaneqartup iluani nutaamik sanaartortoqarsinnaavoq annerpaamik nunamiit illup qaliata sinaanut kipkote 48-mut (etage-t marluk angullugit), toqqavia annerpaamik 630 m²-iussaaq etagekvadratmeterilu uuttoraanni 1260 m²-iussalluni. Sanaartorfissiami 7-imi sanaartorfissap 7a-mut aamma 7b-mut avinneqarneratigut taakkunani immik-

- kut sanaartukkat sanaartorfissiami 7-mi sanaartorneqarsinnaasut 50 %-erissavaat.
- 5.10 Sanaartorfissiaq 8: Sanaartorfissiap taaneqartup iluani nutaamik sanaartortoqarsinnaavoq annerpaamik nunamiit illup qaliata sinaanut kipkote 42-mut (etage-t marluk angullugit), toqqavia annerpaamik 630 m²-iussaq etagekvadratmeterilu uuttoraanni annerpaamik 1260 m²-iulluni. Sanaartorfissiami 8-mi sanaartorfissiap 8a-mut aamma 8b-mut avinneqaarneratigut taakkunani immikkut sanaartukkat sanaartorfissiami 8-mi sanaartorneqarsinnaasut 50 %-erissavaat.
- 5.11 Sanaartorfissiaq 9: Sanaartorfissiap taaneqartup iluani nutaamik sanaartortoqarsinnaavoq annerpaamik nunamiit illup qaliata sinaanut kipkote 42 angullugu (etage-t marluk angullugit) toqqavia annerpaamik 630 m²-iussaq etagekvadratmeterilu uuttoraanni 1260 m²-iussalluni. Sanaartorfissiap 9-p 9a-mut aamma 9b-mut avinneqaarneratigut taakkunani immikkut sanaartukkat sanaartorfissiami 9-mi sanaartorneqarsinnaasut 50 %-erissavaat.
- 5.12 Sanaartorfissiaq 10: Sanaartorfissiap taaneqartup iluani nutaamik sanaartortoqarsinnaavoq annerpaamik nunamiit illup qaliata sinaanut kipkote 43-mut (etage-t marluk angullugit), toqqavia annerpaamik 273 m²-iussaq etagekvadratmeterilu uuttoraanni 546 m²-iussalluni.
- 5.13 Toqqaviit pisariaqanngitsumik portunerutinneqassanngillat, tassa imaappoq toqqaviup pukkinnersaa 1 meter sinnerlugu portunerutinneqassanngilaq.
- § 6 Sanaartukkap silatimigut isikkua.**
- 6.1 Sanaartukkap silataa minnerpaamik ataaseq sanimut naallugu igalaalernerqarsimassaaq. Igalaaliunneqartut tararsuutitut pissuseqassanngillat ima-
- luunniit silataanit isigalugit taartuutinneqassanatik.
- 6.2 Silataanut qalipaata qaserpaluttuutinneqassaaq, sanaartukkamilu immikkuualuttut soorlu igalasserfiit matullu assigiinngitsunik qalipaateqartinneqarsinnaallutik.
- 6.3 Silataanut qalliutigineqartut aserfallat-saaliugassaassanngillat. Silataanut pladit sallilikkanut assigisaannulluunniit assingusunngorlugit suliat atorneqaqqusaanngillat.
- 6.4 Qaliaq annerpaamik 15⁰-nik sivingasuseqartinneqassaaq.
- § 7 Nunaminertat sanaartorfiunngitsut.**
- 7.1 Silami inissisimatitsisoqarsinnaanngilaq.
- 7.2 Nunaminertat sanaartorfiunngitsut sanaartornerup nalaani aamma qaarterinermi sapinngisamik mianerineqassapput. Nuna innarlerneqartoq iluarsaanneqassaaq. Immikkoortoq qaartiternerlukuu jarneqasaaq qaartiterinerup imaluunniit assartuinerup nalaani siammarsimasunik.
- § 8 Teknikkimut atortulersuutit.**
- 8.1 Nunap qaavaniittoq imeq, imaarsaannermit imeq qaliap qaavaneersorlu kuuffissuakkoortinneqassanngilaq, imatulli kuutsinneqassalluni eqqaani sanaarukkat, aqquserngit, aqqusineeqqat, nunaminertat sanaartorfiunngitsut assigisaalu illoqarfiup ilaanut pilersaaruseriusup iluani avataaniluunniit ittut aqqusaarnagit – soorlu kusinernut.
- 8.2 Sanaartukkat tamarmik pisortat kuuffissuinut pisortallu imeqarfiinut atassuserneqarsimassapput.
- 8.3 Sanaartukkat nutaat innaallagissamoortumik kiassagaassapput allatulluunniit

avatangiisimut akornutaanngitsumik nukissiuut atorlugu.

immikkoortumut killiliussamut 2C2-mut kujataata tungaani atuuttussatut pigiinnarneqassaaq.

- 8.4 Assiaqutinik assigisaannilluunniit pisariaqartunik ikkussuisoqassaaq, immikkoortup kangiata tungaani angallannermi nakkartoqaqqunagu.
- 8.5 Teknikkimik pilersuutit soorlu innaallagissamut sakkortusaaviit assigisaalu pisariaqartitsineq malillugu Nukissiorfiit isumasioqatigeernerisigut pilersinneqarsinnaapput inissinneqarlutillu.
- 8.6 Pilersuinnermut aqcutit soorlu innaallagissamut, imermut kuuffissuarnut sapinngisamik ataqqineqassapput qallerlugillu sanaartorfigineqarsinnaanatik. Allannguisoqassappat tamatuminnga piginnittoq isumaqatigiissuteqarfigineqassaaq.
- 8.7 Innaallagissamut, imermut kiassarnermullu aqcutit taamatullu kuuffissuit assigisaallu assanneqarsimassapput.

§ 9 Sanaartorfissagisaannermi nammineq akiliutissaaq

- 9.1 Nunaminertamik atugassiinnermi malittarisassat atuuttut malillugit sanaartorfissagissaanermut nammineq akiliutissamik akiliuteqartitsisoqartassaaq. Sanaartorfissagissaanermut ilaapput kommunip immikkoortup imermik, kuuffissuarnik, aqqusinernik, biilnut uninngasarfinnik, nunaminertanut allanut atorneqartunut kiisalu Industrivejip tungaanut sivingarnermut assiaqusersuineranut aningaasartuutai.

§ 10 Illoqarfiup ilaanut pilersaarumik atorunnaarsitsineq

- 10.1 Illoqarfiup ilaanut pilersaarummi 2C2-1-imi, Siunertanut ataatsimoorussanut immikkoortoq, Issortarfik, ilaatinneqartut ilai matumani illoqarfiup ilaanut pilersaarutaasumi ilanngunneqartut atorunnaarsinneqarput. Illoqarfiup ilaanut pilersaarut 2C2-1, Siunertanut ataatsimoorussanut immikkoortoq,

Akuersissuteqarnermi atsiorneq

Siunnersuutitut akuersissuteqarneq.

Illoqarfiup ilaanut pilersaarut 2C2-2, Siunertanut ataatsimoorussanut immikkoortoq, Issortarfik, matumuuna Nuup Kommuneani kommunalbestyrelsianit ulloq 19. novembari 2007-imi atortus-sanngorlugu akuersissutigineqarpoq.

Nuup Kommunea, ulloq *1/4.2008*


Nikolaj Heinrich

Nikolaj Heinrich
Borgmesteri

Kim Hvistendahl

Kim Hvistendahl
allaffissornermi pisortaaneq

Illoqarfiup ilaanut pilersaarut 2C2-2, Siunertanut ataatsimoorussanut immikkoortoq, Issortarfik, atortussanngorlugu tamanut saqqummiunneqarpoq ulloq 09.04.2008




ULLOQARFIUP ILAANUT PILERSAARUT 2C2-2, ISSORTARFIK
ILANNGUSSAQ 1: IMMIKKOORTUMUT KILLILIUSSAQ


ULLOQ / DATO: AUGUST 2007
J.NR.: 16.04/2C2-2
SKALA: 1:1.000
SULL. / SAGSBEH.: NELE

Nunap assinganiittunik takutitsisoq:

● ● ● Illoqarfiup ilannut pilersaarusiortuup killinga

▭ Sanaartugaareersut





ILLOQARFIUP ILAANUT PILERSAARUT 2C2-2, ISSORTARFIK
ILANNGUSSAQ 3: PILERSAARUSIAP TITARTAGARTAA

ULLOQ / DATO: AUGUST 2007
J.NR.: 16.04/2C2-2
SKALA: 1:1.000
SULL. / SAGSBEH.: NELE